

卷十



書名 錦繡萬花谷前集四十卷 嘉靖十五年序錫山秦汴
鏤石書堂刊本後修
撰者 宋 闕名 撰
卷 卷十
內容分類 子-類書-彙考-宋
索書號 大木-子部-類書類-31
編號 C5924800

[彩色首頁1](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本文影像資料庫 索書號: 大木-子部-類書類-31](#)

[漢籍善本文影像資料庫文本 錦繡萬花谷前集四十卷 嘉靖十五年序錫山秦汴鏤石書堂刊](#)

[本後修](#)

版權所有: 東京大學 東洋文化研究所

[使用上的注意事項](#)

萬花谷前集卷之一

天

虎豹虎豹九關啄害下人

此重虎豹九關言天門力守之出楚靈

天圓如倚蓋地方如碁局天旁轉半在地上半在

日月本東行天西旋入于海牽之以西如蟻行磨

左旋蟻右行磨疾蟻遲蟻不得不西

出晉天文志吳王蕃傳

銀界河漢水之精發而浮上宛轉隨流名曰天河

漢詩疏亦名銀潢謝莊月賦斜漢左界北陸南

銀灣出許洞詩亦曰銀浦出李賀詩

神異經東北大荒中有金闕高千丈上有明

一丈光照千里中有金階兩闕名天門

出杜詩注

通明玉帝殿名常有紅雲捧之坡詩云侍臣鵠



宣祖	伯字	師字	希字	與字	孟字	由字
太宗	真宗	仁宗	英宗	神宗	哲宗	
徽宗	欽宗	高宗	孝宗	光宗	寧宗	
允字	宗字	仲字	士字	不字	善字	
汝字	崇字	必字	良字	友字		
秦王	德字	承字	克字	叔字	之字	公字
彥字	夫字	時字	若字	古字	嗣字	

四千人治平中宗室四千餘人男女相半分紀

錦繡萬花金集卷之九

錦繡萬花金前集卷之十

三省

都省唐龍朔中改尚書省曰中臺光宅中又改曰文昌

臺俄曰文昌都省垂拱中又改曰都臺唐百官志

畫省蔡質漢官典職曰尚書省中皆以胡粉塗壁畫古

賢列士

內臺尚書省亦謂之內臺居建禮門內通典

西掖劉公幹詩謂相去遠隔此西掖垣拘限清切禁中

情無由宣漢官儀曰左右曹受尚書事前世文士以中

書在右因謂中書為右曹又稱西掖

鳳凰池晉荀勗為中書監除尚書令人賀之荀曰奪我

鳳凰池諸君何賀耶

龍鳳池 十伯玉中書郎詩曰大方信包容優渥遂不已
躍鱗龍鳳池揮翰紫宸裏

鸞臺 唐武德中改門下省曰東臺武后改曰鸞臺天寶
初文曰黃門省

紫微省 龍朔中改中書省曰西臺開元初曰紫微省中
書令曰紫微令

萬年枝 紅藥 謝元暉直中書省詩紫薇陰肅肅彤庭赫
弘敞風動萬年枝日華承露掌玲瓏結綺錢深沉映珠
網紅藥當階翻蒼苔依砌上茲言翔鳳池鳴珮多清響
信美非吾室中園思偃仰

東臺西臺 文昌臺南臺 唐高宗改門下省為東臺中書
省為西臺尚書省為文昌臺故御史臺呼為南臺

南自北省左省右省 開元中謂尚書省為南省門下中

書為北省亦謂門下為左省中書為右省

移左右省 治平中祖無擇言中書省不當在東乞與門
下省對移今乃左省在西右省在東宜對移從之

宰相

名覆金匱 唐元宗每命相皆先書其名一日書崔琳等

名覆以金匱會太子入謂曰此宰相名若自意之誰乎
太子曰非崔琳盧從愿乎帝曰然時兩人宰相望率不
用琳傳

內名琉璃瓶中 五代唐廢帝欲擇宰相以盧文紀姚顗
有人望悉書名內琉璃瓶中焚香祝天以飭揀之首得

文紀欣然相之 文紀傳

三月訪止 孔子相魯魯人謗曰麋裘而犢投之無戾犢之麋裘投之無郵及三月政成化行民誦曰來衣章甫實獲我所章甫來衣惠我無私 孔叢子

書名器中 唐宣宗擇相盡書羣臣當選者以名內器中禱憲宗神御前筋取之 李景讓傳

三年訪止 子產相鄭一年與人謂之曰取我衣冠而褚之取我田疇而伍之孰殺子產吾其與之三年又謂曰我有子弟子產誨之我有田疇子產植之子產而死誰其嗣之

裴度 李義山以裴度為聖相其詩曰帝得聖相曰裴度

皮日休 以房杜為真相李晟為直將 文粹

百官班迎 至和二年七月詔凡宰相召自外者百官班迎之自內拜者聽行事上禮職官分紀

見百官禮 百官於中書見宰相九卿而下即省吏唱一聲屈則趨而入宰相揖及進茶皆抗聲贊喝謂之屈揖待制以上見則請某官更不屈揖臨退乃進湯皆於席南橫設百官之位陞朝官則坐京官以下皆立後殿引臣僚則待制以上宣名拜舞庶官但贊拜不宣名不舞蹈中書則畧貴者示與之抗也上前則畧微者殺禮也

沈存中筆談

范質初作相與馮道同堂道輕其新進 潛視所為質當判事語吏曰堂判之事並施簽表得以

視而書之慮臨文失誤貽天下笑道聞嘆曰真識大體吾不如也文公談苑

府門不設鈴警鼓晉百官表注云漢丞相府門無闌不設鈴不警鼓言其深大濶遠無節限也職官分紀

端右之職大熙元年詔曰總百揆之得失管王政之開

塞者端右之職也晉王戎傳

事昭百揆江總護表曰天府文昌萬方之藪禮華三獨職官分紀

益卑體愈恭曾子之荆入見楚相孫叔敖曰吾聞處

官久者士妬之祿厚者民怨之位尊者民恨之今相國

有此三者不得罪於楚何也曰吾三相楚而心益卑每

益祿而施益博位尊而體愈恭是以不得罪於楚也子

氣平凡人語及其不平則氣必動色必變辭必屈

唯韓魏公不然說到小人忘恩負義欲傾已處辭和氣

平如道常事魏王別傳

熟狀舊制宰相早朝上殿命坐有軍國大事則議

之從容茶湯而退自餘除拜號令刑賞廢置事無巨細

並熟狀擬定進入上於禁中親批紙尾用御印可其奏

謂之印畫降出奉行而已由唐歷五代不改其制國初

范質等自以憚太祖英睿具劄子面取進止朝退各疏

其事所得聖旨同署字以志之自是奏御寢多或至日

旦命坐啜茶之禮亦廢今遂為定制王沂公筆錄

人才冊子呂蒙正為相諸子嘗云大人為相甚善但人

言無能為公曰我誠無能但有一能善用人才耳此直宰

相事也公夾袋中有冊子每四方人替罷謁見必問有何人才客去隨卽疏之悉分門類或一人而數人稱之者必賢也朝廷求賢取之囊中故公爲相文武百官各稱職者以此后史

三公如喉咽春秋合城圖曰天理在斗司中三公如人

喉在咽以理舌語

宋均注曰斗爲天之舌主出政教三公主道宣召命如喉在咽使言有條

紀分

天子之股肱崔寔政論三公天子之股肱掾屬三公之

喉舌天子取正於三公三公亦委策於掾屬以答天子

紀分

夫相慶至和二年拜富鄭公爲集賢相與文彥博並

命宣制之日士大夫相慶上遣小黄門密於百官班中

聽其議論黃門具奏上大悅謂侍臣曰古之求相者或

得夢卜今朕用二相人情如此豈不賢於夢卜哉

神道碑

宰相自唐以來謂之禮絕百僚見者無長幼

皆拜宰相平立少垂手扶之送客未嘗下階客坐稍久

則吏從旁唱相公尊重客踧踖起退及富鄭公相雖微

官布衣謁見皆與之抗禮送之及門視其上馬乃還自

是羣公稍效之紀聞

無口李沆爲相同年馬亮責之曰外議以兄爲無口

亮公笑曰吾在政府雖無長材但外所陳利害一切報

罷以此報國爾今國家防制纖密儉人苟一時之進豈

念於民苟舉狗所陳一一行之所傷實多文公談苑

趙中書今普爲相於屏後置二大甕凡人有

投利害文字皆置甕中滿卽焚於通衢李沆文靜爲相
當太平之際兄建議務更張喜激昂者一切不用曰用
此報國耳邵氏聞見錄

鳳池唐憲宗將用衛次公爲相王涯爲麻兩句云
鷄樹之徒老風煙鳳池之空淹歲月將宣麻有飄風墜
地左右收之未竟上意中輟令止其事由此遂不拜續

曾公亮公亮自嘉祐秉政至熙寧中尚在中
書雖年甚高而精力不衰故臺諫無非之者惟李復圭
以爲不可作詩云老鳳池邊蹲不去饑烏臺上噤無聲
未幾曾公亦去東軒筆錄

五代周祖舉兵向關范質公質方微隱民間

坐封丘巷茶肆有人貌恠陋揖曰相公無慮時暑中公
所執扇偶書大暑去酷吏清風來故人二句其人曰世
之酷吏何止如大暑公他日當深究此弊因携其扇去
公後至祆廟見一土木短鬼其貌類茶肆中見者其扇
亦在手中公異焉邵氏聞見錄

饅瓜亭呂蒙正微時在龍門讀書一日行伊水上見賣
瓜者意欲得之無錢其人偶遺一枚於地公悵然取食
之後作相買園洛城東南下直伊水起亭以饅瓜爲名
不忘貧賤也

以爲真宗不豫大漸之夕李文定公迪與宰執
宿內殿時仁宗幼八大王元儼者有威名以問疾留禁
中累日不肯出執政患之無以爲計偶翰林司以金盃

貯熟水曰王所需也迫取案上墨筆攪水中盡黑王見之大驚意其有毒卽上馬去文定臨事大抵類此鑷見
龍圖閣直學士景祐末西鄙用兵大將劉平死議者以宦官監軍主帥不得專致平失利或請罷諸帥監軍仁宗以問宰臣呂文靖公公曰不必罷但擇謹厚者爲之仁宗委公擇之對曰臣待罪宰相不當與中貴私交何由知其賢否願詔都知押班保舉有不稱者與同罪仁宗從之翊日都知叩頭乞罷監軍宦官士夫嘉公有謀棟

鄭以子產爲相一年稚子不戲狎班白不提挈童子不梨畔二年市不預價三年國不夜閉道不拾遺四年田器不歸五年無尺籍喪期不令而治治鄭三

十六年而死丁壯號哭老人兒啼

五穀大夫相秦五穀大夫之相秦也勞不坐乘暑不張蓋行國中不驅車不操干戈功名藏於庫府德行施於後世死之日國中男女流涕童子不歌春者不相杵史記
起草院精思亭李德裕爲相帝令作詔曰學士不能盡吾意所居安邑里第有院號起草院亭曰精思亭每計大事多處其中職官分紀

五房張詠爲相改政事堂號中書門下列五房于其後一曰吏房二曰樞機三曰兵房四曰戶房五曰刑禮房分以曹官主衆務焉唐百官志

詹曠字金鉉范魯公質舉進士主文和凝愛其文以第三登第謂質曰君之文宜冠多士屈居第十三者欲君

傳老夫衣鉢耳質以為榮有獻詩云從此廟堂添故事
登庸衣鉢亦相傳後果相邵氏聞見錄

名教宗五代趙光逢兩登廊廟四退丘園百行五常
不欺暗室縉紳咸仰以為名教宗主 本傳

沙堤火城唐凡拜相府縣載沙自宮城至其第名為沙
堤每元日冬至百官已集宰相列燭多至數百炬謂之

火城宰相至則眾皆滅燭 李肇國史補
黃閣鳴尾陳舊制三公黃閣廳事置鳴尾後蕭摩訶以

功為侍中大將軍光祿大夫詔摩訶開閣門施行馬廳
事寢堂並置鳴尾 職官分紀

車丞相當軸處中括囊不言容身而去彼哉
彼哉前漢本傳贊

推車子韓魏公言慶曆中與范希文富彥國同在西府
上前爭事各別下殿各不失和氣如未嘗爭事當時三

人正如推車子其心主於車行而已不為已也 魏王別

賜五熟金銘魏國初建鍾繇遷相國文帝在東宮賜五
熟釜為之銘曰於赫有魏作漢藩輔厥相惟鍾是幹心

膺靖恭夙夜匪遑樂胥 魏志
撫爭歌詩晉謝安為相功名甚盛嫌隙遂成帝召桓伊

飲宴安侍坐伊撫爭而歌詩云周旦佐文武金勝事不
刊推心輔王政二叔乃流言安泣下乃越席就將其鬚

曰使君於此不凡帝有愧色 伊傳
呂許公得輔臣體慶曆初仁宗服藥久不視朝一日聖

體康復思見執政坐便殿促召二府宰相呂許公移刻

方赴召比至行愈緩既見上曰久疾方平喜與卿等相見而遲遲其來何也公曰陛下不豫中外頗憂一旦聞急召近臣臣若奔馳以進慮人心驚動耳上以爲深得輔臣之體紀聞

章節公終日默然慶曆中富韓執政俱少年務興作章郇公位宰相終日默然或問郇公富韓勇於事爲何如曰得象每見小兒跳躑戲劇不可訶止俟其抵觸牆壁自退耳方銳於跳躑時難遏也後富韓公經涉憂患始知天下之事不可妄有紛更而荆公年少氣盛變亂不可救始歎郇公言邵氏聞見錄

不負所學陸贄爲相常曰吾上不負天下不負所學

不知有法慶曆中上用杜衍范仲淹富弼韓琦任政事孫之翰爲諫官嘗家居石介過之介言富公言滕宗諒等守慶州用公使錢坐法杜公則欲置宗諒重法范公則欲薄其罪富公欲抵重法則懼違范公欲薄其罪則懼違杜公不知所決之翰曰守道以爲如何介曰切慮之乃嘆曰法者人主之操柄今富公是不知有法而未嘗意在人主也南豐雜識

最得大臣體元城論本朝名相最得大臣體者惟李文靖公沆有人上利害一切不行祖宗經變多矣所立法度如老醫看病極多用藥不至孟浪又每奏事畢必以四方水旱盜賊之事奏聞上爲之變色慘然沆謂同列曰人主豈可不知憂懼也不知憂懼則無所不至矣惟

此兩事最爲得體蓋擅變法度則綱紀亂惡言災異則人主驕此大患也既城又宋元憲庠嘗奏事而帶寬誤墜文書于地不顧而行仁宗呼內侍拾以與之識者謂仁宗得人君體宋公得大臣體呂氏家塾

偉然宰相器王旦之爲相才有過人者類馮道皆偉然宰相器也道不幸生於亂世死生之際不能自立旦事真宗言聽諫從安於勢位封禪天書等事旦但能黽勉而從不能力爭每爲天書使常悒悒不樂雖富貴不得志也龍川志

事皆偶成韓魏公曰某平生仗孤忠每遇大事以死自處幸而不死事皆偶成實天扶持非人能也魏王別錄
宰相自有體朱浮論曰吳起與田文論功文不及者三

朱買臣難公孫洪十策不得其一終之田文相魏公孫宰漢誠知宰相自有體職官分紀

豈可教上殺人至手滑慶曆三年范文正公作參政富文忠公作樞副時盜起京西掠唐鄭光化知軍棄城走奏至二公同對上前富公乞取知軍行軍法范公曰光化無城郭兵甲知軍所以棄城乞薄其罪仁宗可之罷朝富公怒甚曰六丈要作佛耶范公笑曰人何用作佛某之言有理可聽爲君言之公公益不禁范公從容曰上春秋鼎盛豈可教之殺人至于手滑吾輩首領將不保矣富公聞之汗下起立以謝曰非某所及也邵氏聞見錄
喜雨詩韓魏公作相久旱喜雨詩斷句云須臾慰滿三農望却歛神功寂似無遺事

無密故真宗嘗問李文靖沆曰人皆有密故卿獨無何也沆曰臣待罪宰相公事則公言之何用密故夫有密故非讒則佞臣常惡之豈可效尤龜山語話

三不開五代末帝命馬裔孫素未諳練中書百職無能專決但書名而已又少賓客時人目之為三不開謂口不開門不開印不開職官分紀

鶴相丁晉公每遇醮祭即奏有仙鶴盤舞及記真宗東封事宿奉高宮之夕及升中展事皆有仙鶴迎舞又天書每降必奏有仙鶴前導又以其令威之後而好言鶴故但呼為鶴猶牛僧孺為丑生也筆錄

飯僧五代李愚為相迂濶廢帝謂愚等無所事常目為粥飯僧以謂飽食終日無所用也本傳

或問馮道於少帝曰道好平時宰相無以濟其難難譬如禪僧不可令放鷹也於是出為同州節度

職官分紀

金瓶盛衰五代孫忌與馮延巳俱作相忌輕延巳曰金碗王杯而盛衰溺可乎

李琪五代唐明宗罷豆盧革等相任圜與安重誨鄭珏孔循議當為相者圜意屬李琪而珏循不欲謂重誨曰李琪非無文藝但不廉耳宰相端方有器度者足以為之太常卿崔協可也他日明宗問相重誨以協對圜爭曰重誨未識朝廷人物為人所賣天下皆知崔協不識文字而虛有其表號沒字碑陛下誤進不知書以臣一人取笑足矣相位有幾豈容更益

笑端明宗曰宰相重位卿等更自詳審焉書記先朝判官稱為長者可以相矣馮書記道也議未決重誨等退休於中興殿廊下孔循拂衣去行且罵曰天下事一則任園二則任園園乃何人園謂重誨曰李琪才藝可兼時輩百人而讒夫忌害其能若舍琪相協如棄蘇合香丸而取蟪蛄之轉也重誨笑而止然重誨終以循言為信月餘協與馮道皆拜相人多嗤協所為

園傳

春秋元命曰魁下六星兩兩相比曰

三台星後即顓傳

樞府

唐制樞密使以內臣為之後唐莊宗用郭崇韜與宰相分秉朝政文事出中書武事出樞密自此之後

其權漸盛至本朝號為兩府矣

歸田錄

文臣充使知院唐以中官為樞密使梁為崇政殿使國

初與中書為二府其後除授不常帶節鉞自曹彬始以文官充使及簽書院事自石熙載始知院自張士遜始兼使相自王欽若始

湘山野錄

主兵范蜀公鎮至和中嘗論中書主民樞密主兵三司

主財各不相知故財已匱而樞密益兵無窮民已困而三司取財不已

洪樞元祐趙瞻拜同知院事敕贊一人之休必資耆德握萬兵之本爰賴舊臣又云宜煩故老就翊洪樞

天下顯顯望為宰相田况拜樞密使天下顯顯望為宰相無何罷為資政殿學士

酌酒相賀慶曆初方委韓琦范仲淹入討元昊元昊大懼上表稱藩上曰昊賊納款皆琦仲淹之力也天下聞之欣然士大夫酌酒相賀曰上用韓琦范仲淹非為社稷之福乃天下生民之幸並職官分紀

一筆勾范仲淹為參政與韓富二樞並命銳意天下事患諸監司不才更用杜杞張鼎之輩公取班簿視不才監司每見一人姓名一筆勾之以次更易富公以文事公謂公曰則是一筆勾焉知一家哭矣公曰一家哭何如一路哭遂罷之遺事

厨中賜食階下謝衣國朝之制大宴樞密使副不坐侍立殿上既而退就御厨賜食與閣門引進四方館使列坐廡下親王一人伴食每春秋賜衣門謝與內諸司使

副班于垂拱殿外而中書則引班列謝于門上故朝中為之語曰厨中賜食階下謝衣蓋樞使唐以內臣為之故常與內使副為伍盖公革因循不能釐正也職官分紀

尚書

常伯龍朔二年改尚書為太常伯咸亨元年依舊唐志**喉舌之司**李固上書曰陛下有尚書猶天之有北斗北斗斟酌元氣為天之喉舌尚書出納王命為天子之喉舌後固傳

民曹成帝置四尚書民曹尚書主凡吏上書事典繕治功作監池苑囿盜賊事漢百官志

起部度支尚書領度支金部倉部起部四曹南齊百官志隋百官志梁武時六尚書又有起部尚書管宗廟宮室

履歷鄭崇嘗曳革履數上諫上曰我識鄭尚書履聲
龍節張瓚故左民尚書沈旻墓銘云十升龍節四至九卿

誅起部石虎以五月發民築華林苑到八月天雨雪深三尺太史奏作役非時天降此變虎誅起部尚書以塞災並職官分紀

清直不變傅堯俞拜中書侍郎論事率由大公而未嘗容心其薦引多得吉人良士及薨太皇太后喻近臣曰傅侍郎清直一節終始不變金玉君子人也嗟惜久之兩宮皆幸其第哭之慟墓誌

好直唐太宗在翠微宮以李緯爲民部尚書有目京師來者帝曰房元齡聞緯爲尚書謂何曰唯稱好鬚帝遽

改之房元齡傳

遺吏秦世遺吏四人在殿中主發書故謂之尚書尚書猶主也漢初有尚冠尚衣等六山尚書是也宋百官志

侍郎

吏部唐龍朔中改尚書爲太常伯侍郎爲少常伯武德初曰選部龍朔中曰主爵武后曰天官天寶末曰文部皆吏部也其屬有四

吏部掌文官階品朝集祿賜給其告身

司封掌封命朝會賜予之給

司勳掌官吏勲給奏擬戰功凡十有二轉

考功掌文武百官功過善惡其法有四善二十七最爲

上中下考

三銓 吏部以三銓之法官天下之材以身言書判較其優劣而為之法擬唐百官志

尚書 尚書為大宰侍郎曰小宰六帖

舊說 吏部為省眼職林

漢靈帝 以梁鵠為選部尚書及魏改選部為吏部

謂

晉裴楷 武帝時為吏部侍郎風神高邁容儀俊爽時人謂之玉人見楷如見玉山照映人也

唐高季輔 為侍郎善銓叙人物太宗賜金背鏡

况其清鑒本傳

唐初 曰民部高宗曰戶部武后改曰地官尚書為大司徒侍郎小司徒掌天下土地人民錢穀之數

貢賦之差 其屬有四唐志

戶部 掌戶口土田賦役貢獻優復婚姻繼嗣之事

度支 掌租賦物產豐約歲計所出入

金部 掌庫藏出納權衡之數宮市交易之事

倉部 掌庫儲祿糧義倉常平倉備凶年穀價

司元 唐龍朔中改戶部為司元太常伯職官分紀

版使 唐韋澳曰已逐版使矣謂戶部也

禮部 武德初曰儀曹龍朔改曰司禮武后改曰太

官尚書大宗伯亦曰春卿侍郎曰小宗伯亦曰秩宗司

周禮其屬有四

禮部 掌禮樂學校衣冠符印冊命祥瑞喪葬

祠部 掌祠祝天文刻漏醫藥僧尼之事

膳部掌陵廟牲豆酒膳諸司供奉

主客掌二王後諸侯朝見之事

兵部夏官龍朔中曰司戎光宅中曰夏官天寶末曰武部尚書大司馬也亦曰夏卿侍郎曰小司馬武選掌貢舉車馬甲械之事其屬有四 六帖

兵部掌武選貢舉武階將出征授斧鉞

兵部掌地圖烽埃四夷歸化之事

兵部掌輿輦車乘廐牧馬牛之事

兵部掌戎器鹵簿儀仗

刑部秋官龍朔中曰司刑光宅中曰秋官天寶曰司憲掌律法按覆之事尚書曰大司寇亦曰秋卿侍郎曰小司寇其屬有四

大理掌法律按覆大理及天下奏讞

大理掌俘隸簿錄五官奴婢

比部掌勾會賦歛經費俸祿之物

司門掌門關出入之籍

工部冬官龍朔中曰司平光宅中曰冬官掌山澤屯田工匠之事尚書曰大司空亦曰冬卿侍郎曰小司空其屬有四

工部掌城池土木工役少府將作共其用

中田掌天下屯田及京文武職田公廨田

虞部掌京都衢闕苑囿山澤蕃客薪灰之事

水部掌溝洫船艦堤堰漕運之事



全明集卷之十

